



Broj: OP/SI/2019

Ilidža, 09.08.2019. godine.

18695  
Usudbrijelu za 29 redovnu  
09-08-2019  
Ulelelelele

**OPĆINA ILIDŽA**  
Općinsko vijeće

**Predmet:** Dostava Prijedloga Odluke o Pravobranilaštvu Općine Ilidža (Drugi prečišćeni tekst).

U prilogu akta dostavljamo vam Prijedlog Odluke o Pravobranilaštvu Općine Ilidža (Drugi prečišćeni tekst) na vaše daljnje postupanje.

S poštovanjem,

ZAMJENIK PRAVOBRANILACA  
OPĆINE ILIDŽA

**Emina Music**





## Prijedlog

Na osnovu člana 3. Odluke o izmjenama Odluke o Pravobranilaštvu Općine Ilidža („Službene novine Kantona Sarajevo“, broj: 23/19) i člana 95. Poslovnika o radu Općinskog vijeća Ilidža-Prečišćeni tekst („Službene novine Kantona Sarajevo“, broj: 36/10), Komisija za Statut i propise Općinskog vijeća Ilidža, na sjednici održanoj dana \_\_\_\_\_ godine, utvrdila je Prečišćeni tekst Odluke o pravobranilaštvu općine Ilidža kako slijedi:

### **ODLUKU O PRAVOBRANILAŠTVU OPĆINE ILIDŽA -Drugi prečišćeni tekst-**

#### **I OPĆE ODREDBE**

##### Član 1.

Općina Ilidža (u daljem tekstu: Općina) osniva Pravobranilaštvo općine Ilidža (u daljem tekstu: Pravobranilaštvo) kao organ nadležan da preduzima mjere i pravna sredstva radi zaštite imovine i imovinskih interesa Općine.

##### Član 2.

Pravobranilaštvo svoju funkciju vrši u skladu sa Ustavom, Zakonom i drugim propisima i općim aktima.

##### Član 3.

Državni organi, preduzeća i druga pravna lica koji posjeduju podatke i obavještenja o ugrožavanju, narušavanju ili osporavanju prava i stvari u vlasništvu Općine dužni su iste dostaviti Pravobranilaštvu radi preduzimanja pravnih radnji, mjera i sredstava za koje je Pravobranilaštvo zaduženo.

Organi i pravna lica iz prethodnog stava dužni su na zahtjev Pravobranilaštva, dostaviti podatke, obavještenja i spise koji su potrebni za preduzimanje radnji za koje je Pravobranilaštvo ovlašteno.

Pravobranilaštvo i na vlastitu inicijativu preduzima pravne radnje i sredstva za ostvarivanje funkcije iz člana 1. ove odluke .

*Kada Pravobranilaštvo mora postupati u propisanom zakonskom roku, organi i organizacije iz stava 1. i 2. ovog člana dužni su da pravobranioocu neodložno dostave spise i obavještenja, odnosno pruže podatke i objašnjenja koja Pravobranilaštvo zatraži .*

*Ako zbog nepostupanja, odnosno neblagovremenog postupanja organa i organizacije iz stava 1. i 2. ovog člana, nastupi šteta za Općinu Ilidža ili druge subjekte koje zastupa, Pravobranilaštvo o tome obavještava organ koji je ovlašten da vrši nadzor nad radom tog organa ili organizacije i Općinskog načelnika, te rukovodiocu zastupanog organa ili organizacije podnosi zahtjev za pokretanje disciplinskog postupka radi utvrđivanja disciplinske odgovornosti lica koje je bilo dužno postupiti po zahtjevu Pravobranilaštva.*

*Rukovodilac zastupanog organa ili organizacije obavezan je pokrenuti postupak iz stava 5. ovog člana i o postupanju po zahtjevu Pravobranilaštva za pokretanje postupka utvrđivanja odgovornosti i o ishodu pokrenutog postupka ovlašteno lice je dužno obavijestiti Pravobranilaštvo, koje je dužno protiv lica za koje je utvrđena disciplinska odgovornost podnijeti zahtjev za naknadu pričinjene štete .*

#### Član 4.

Službenu legitimaciju Pravobraniocu i njegovim zamjenicima izdaje općinski načelnik u skladu sa Pravilnikom o službenoj legitimaciji koji donosi ministar pravde Kantona.

Pravobranilaštvo ima pečat u skladu sa kantonalnim i općinskom propisima o pečatima. Sjedište Pravobranilaštva je na području Općine Ilidža.

#### Član 5.

Federalni i kantonalni propisi kojima se uređuje radno-pravni status državnih službenika i namještenika u organima državne službe shodno se primjenjuju i na državne službenike i namještenike u Pravobranilaštvu općine.

## **II NADLEŽNOSTI I ORGANIZACIJA PRAVOBRANILAŠTVA**

### **1. Nadležnost Pravobranilaštva**

#### Član 6.

*Pravobranilaštvo vrši poslove pravne zaštite imovine i imovinskih interesa Općine i njenih organa, stručnih službi i drugih institucija koje se finansiraju iz Budžeta Općine ili čiji je Općina osnivač .*

*Pravobranilaštvo vrši poslove pravne zaštite imovine i imovinskih interesa javnih preduzeća , javnih ustanova i drugih pravnih lica čiji je osnivač odnosno suosnivač Općina, a po zahtjevu osnivača odnosno suosnivača .*

#### Član 7.

Poslove zastupanja općinskih i drugih organa, preduzeća i drugih pravnih lica iz člana 6. ove Odluke Pravobranilaštvo vrši u svim sudskim postupcima i upravnom postupku, u skladu sa Zakonom.

## Član 8.

U vršenju poslova zastupanja Pravobranilaštvo je ovlašteno da preuzima sve radnje koje preuzima stranka u postupku.

## Član 9.

Pravobranilaštvo može da zastupa i druga pravna lica na njihov zahtjev, ako vršenje tih poslova ne utiče na blagovremeno i uspješno izvršavanje njegovih funkcija utvrđenih ovom odlukom.

## Član 10.

*Državni i drugi organi, preduzeća i druga pravna lica iz člana 6. ove Odluke dužni su blagovremeno obavijestiti Pravobranilaštvo o slučajevima u kojima je ono ovlašteno da ih zastupa i ulaže pravna sredstva i preuzima druge zakonom određene pravne radnje, te da mu dostave svu potrebnu dokumentaciju .*

*Poslove zastupanja organa i pravnih lica iz člana 6. ove Odluke Pravobranilaštvo vrši u svim sudskim i upravnim postupcima, u skladu sa zakonom.*

*Pravobranilaštvo može zastupati državne organe koji su tuženi u upravnom sporu , ako ga oni na to ovlaste, kada je povrijeđena imovina i imovinski interes Općine .*

*Ukoliko pravomoćnom presudom bude utvrđen nezakonit rad ili odluka zastupanog organa ili organizacije , Pravobranilaštvo o tome obavještava organ koji vrši nadzor nad radom tog organa ili organizacije i Općinskog načelnika, te podnosi rukovodiocu zastupanog organa ili organizacije zahtjev za pokretanje disciplinskog postupka radi utvrđivanja odgovornosti za nezakonit rad ili nezakonitu odluku.*

*Rukovodilac zastupanog organa ili organizacije obavezan je pokrenuti postupak iz stava 4. ovog člana i o postupanju po zahtjevu Pravobranilaštva za pokretanje postupka utvrđivanja odgovornosti i ishodu pokrenutog postupka ovlašteno lice je dužno obavijestiti Pravobranilaštvo.*

## Član 11.

*U vršenju poslova zastupanja, Pravobranilaštvo je ovlašteno da preuzima sve radnje koje preuzima stranka u postupku.*

*Ako Pravobranilaštvo smatra da ne treba pokrenuti određeni postupak ili da treba povući tužbu ili da ne treba izjaiti određeni pravni lijek, obavještava o tome subjekt kojeg zastupa .*

*Ako se ne postigne saglasnost u mišljenju ili ako subjekta ne odgovori u određenom roku, konačnu odluku donosi Pravobranilaštvo i o tome obavještava subjekt kojeg zastupa .*

## Član 12.

Ako Pravobranilaštvo treba shodno svojim ovlaštenjima da zastupa stranke čiji su interesi u suprotnosti a jedna od njih je Općina, Pravobranilaštvo će zastupati Općinu.

U slučaju da Pravobranilaštvo treba po zakonu da zastupa stranke čiji su interesi u suprotnosti, a nijedna od tih stranaka nije Općina, Pravobranilaštvo neće zastupati te stranke.

## Član 13.

U postupku donošenja općih akata, kojima se uređuju imovinsko-pravni odnosi, prava i obaveze prema stvarima i vlasništvu Općine, obavezno se pribavlja mišljenje pravobranioca.

## Član 14.

Pravobranilaštvo pruža stručnu pomoć organima i pravnim licima iz člana 6. ove odluke u rješavanju imovinsko-pravnih pitanja i daje mišljenje u vezi sa zaključivanjem ugovora imovinsko-pravne prirode.

Organi i pravna lica iz prethodnog stava dužni su pribaviti pravno mišljenje Pravobranilaštva prije zaključenja ugovora o kupoprodaji, zamjeni, zakupu, prenošenju na trajno ili privremeno korištenje stvari uz naknadu ili bez naknade, ugovora o koncesiji, ugovora o građenju i udruživanju sredstava za građenje, ugovora o statusnim i ugovornim oblicima povezivanja preduzeća kao i drugih ugovora kojima se pribavljaju stvari, odnosno materijalna prava.

*Organi i pravna lica iz stava 1. ovog člana dužni su pribaviti saglasnost Općinskog vijeća prije zaključenja ugovora imovinsko-pravne prirode iz stava 2. ovog člana, a u skladu sa Ustavom Kantona Sarajevo, Statutom Općine i zakonom, a ukoliko na te ugovore nije pribavljeno mišljenje Pravobranilaštva, Općinsko vijeće ih neće razmatrati, odnosno odbiće davanje saglasnosti.*

Nije obavezno pribavljanje pravnog mišljenja Pravobranilaštva kada je predmet ugovora iz stava 2. ovog člana pokretna stvar ili imovinska prava čija vrijednost ne prelazi 10.000,00 konvertibilnih maraka, *niti saglasnost Općinskog vijeća.*

Pravobranilaštvo daje mišljenje iz stava 1. i 2. ovog člana najkasnije u roku od 15 dana od prijema zahtjeva i potrebne dokumentacije, a u naročito složenim slučajevima u roku od 30 dana.

*O ugovorima zaključenim bez prethodnog pravnog mišljenja Pravobranilaštva iz stava 2. ovog člana, Pravobranilaštvo obavještava organ koji je ovlašten da vrši nadzor nad radom tog organa ili organizacije i Općinskog načelnika, te podnosi rukovodiocu zastupanog organa ili organizacije zahtjev za pokretanje disciplinskog postupka radi utvrđivanja odgovornosti lica koje je bilo dužno pribaviti pravno mišljenje Pravobranilaštva.*

*Rukovodilac zastupanog organa ili organizacije obavezan je pokrenuti postupak iz stava 6. ovog člana i o postupanju po zahtjevu Pravobranilaštva za pokretanje postupka utvrđivanja odgovornosti i ishodu pokrenutog postupka, ovlašteno lice je dužno obavijestiti Pravobranilaštvo.*

## Član 15.

Organi i pravna lica iz člana 6. ove odluke dužni su zaključeni ugovor imovinsko-pravne prirode dostaviti Pravobranilaštvu u roku od 15 dana od dana zaključenja ugovora.

Ako Pravobranilaštvo ocijeni da je zaključeni ugovor ništavan, podnijeće tužbu za utvrđivanje ništavnosti, a u slučaju da ugovorena cijena ne odgovara prometnoj vrijednosti-tužbu za poništenje ugovora ili *izmjenu* ugovora.

## 2. Organizacija Pravobranilaštva

### Član 16.

Funkciju Pravobranilaštva vrši općinski pravobranilac (u daljem tekstu: pravobranilac).

Pravobranilac predstavlja pravobranilaštvo, rukovodi njegovim radom i vrši prava i dužnosti utvrđene zakonom, drugim propisima i ovom odlukom.

*Kada je pravobranilac spriječen ili odsutan, zamjenjuje ga zamjenik kojeg on odredi .*

### Član 17.

Pravobranioca i zamjenika pravobranioca imenuje i smjenjuje i razriješava vršenja službe Općinsko vijeće na prijedlog općinskog načelnika.

*Pravobranilac ima tri (3) zamjenika.*

Postupak imenovanja pravobranioca i njegovih zamjenika (u daljem tekstu: zamjenik) provodi se u skladu sa Zakonom o pravobranilaštvu, ovom odlukom i drugim zakonima kojima je uređen postupak imenovanja.

### Član 18.

Zamjenik pravobranioca vrši poslove iz djelokruga pravobranilaštva koje odredi pravobranilac. U zastupanju pred sudovima i drugim organima zamjenik pravobranioca ima ovlaštenje pravobranioca.

### Član 19.

*Za općinskog pravobranioca i njegovog zamjenika može biti imenovano lice koje je državljanin Bosne i Hercegovine i Federacije Bosne i Hercegovine, koji je diplomirani pravnik ili Bakalaureat/Bachelor prava sa ostvarenih 240 ECTS studijskih bodova Bolonjskog sistema studiranja i ima položen pravosudni ispit i iskustvo u radu na imovinsko-pravnim poslovima u pravobranilaštvu, pravosudnim organima i drugim državnim organima, preduzećima i drugim pravnim licima, u trajanju najmanje tri (3) godine nakon položenog pravosudnog ispita i koje posjeduje najviše moralne osobine za obavljanje službe pravobranilaštva.*

## Član 20.

Pravobranilac se imenuje na period od četiri godine i može biti ponovo imenovan. Zamjenik pravobranioca imenuje se bez ograničenja trajanja mandata.

*Pravobranilac koji ne bude ponovo imenovan raspoređuje se na mjesto zamjenika pravobranioca ako je upražnjeno, a ako nije, raspoređuje se na mjesto državnog službenika u Pravobranilaštvu ili Općinskom organu uprave u skladu sa svojim stručnim kvalifikacijama .*

*Rješenje o raspoređivanju pravobranioca na mjesto zamjenika pravobranioca donosi Općinsko vijeće , a na mjesto državnog službenika Općinski načelnik , najkasnije u roku od tri mjeseca od dana prestanka funkcije pravobranioca .*

Ako pravobranilac ne prihvati raspored na poslove po rješenju nadležnog organa, prestaje mu radni odnos u roku od 30 dana od dana donošenja rješenja.

## Član 21.

Pravobranilac i njegov zamjenik prije stupanja na dužnost daju svečanu izjavu pred predsjedavajućim Općinskog vijeća.

Svečana izjava glasi:

„Izjavljujem da ću se u vršenju službe pravobranioca-zamjenika pravobranioca pridržavati Ustava i zakona Bosne i Hercegovine, Federacije Bosne i Hercegovine, Kantona Sarajevo, Statuta i drugih propisa općine Ilidža i da ću službu vršiti savjesno“.

## Član 22.

Pravobranilac i zamjenik pravobranioca dužni su da čuvaju ugled Pravobranilaštva i svoj ugled.

Pravobranilac i zamjenik pravobranioca ne mogu vršiti inokosnu funkciju niti biti članovi izvršnog tijela političke organizacije.

Pravobranilac i zamjenik pravobranioca ne mogu vršiti drugu službu ili posao koji bi mogao uticati na njihovu samostalnost ili nezavisnost ili bi umanjivao njihov društveni ugled ili koji je inače nespojiv sa vršenjem dužnosti u Pravobranilaštvu.

Pravobranilac i zamjenik pravobranioca ne mogu biti krivično gonjeni ili lišeni slobode zbog iskazanog mišljenja ili odluke donesene u vršenju funkcije.

## Član 23.

*Pravobraniocu funkcija prestaje istekom perioda za koji je imenovan, podnošenjem ostavke, smjenjivanjem, kada ispuni uslove za odlazak u penziju propisane zakonom za državne službenike i u slučaju smrti.*

*Zamjeniku pravobranioca funkcije prestaje podnošenjem ostavke, smjenjivanjem, kada ispuni uslove za odlazak u penziju propisane zakonom za državne službenike i u slučaju smrti.*

*U slučajevima iz stava 1. i 2. donosi se odluka o razrješenju .*



#### Član 24.

Postupak smjenjivanja pravobranioca i zamjenika pravobranioca pokreće se i sprovodi u skladu sa zakonom.

U postupku smjenjivanja pravobranioca i zamjenika pravobranioca omogućit će im se da se izjasne o razlozima smjenjivanja.

#### Član 25.

Pravobranilac i zamjenik pravobranioca mogu biti udaljeni od vršenja službe u skladu sa zakonom.

Odluku o udaljenju od vršenja službe donosi Općinsko vijeće na prijedlog Općinskog načelnika.

#### Član 26.

*Pravobranilac i zamjenik pravobranioca mogu podnijeti ostavku na vršenje službe. Ostavku podnose Općinskom vijeću, a vršenje službe prestaje danom razrješenja zbog podnesene ostavke, a najkasnije u roku od 30. dana od dana podnošenja ostavke.*

#### Član 27.

Odredbe zakona o parničnom postupku i o izuzeću sudija ili sudija porotnika koje se primjenjuju na području Kantona shodno se primjenjuju i na izuzeće pravobranioca i zamjenika pravobranioca.

#### Član 28.

U Pravobranilaštvu postoji određeni broj službenika i namještenika za vršenje stručnih i administrativnih poslova.

#### Član 29.

*U Pravobranilaštvu postoji potreban broj stručnih savjetnika za vršenje stručnih poslova utvrđenih Zakonom.*

*Poslove stručnog savjetnika u Pravobranilaštvu može obavljati lice koje ima završen pravni fakultet, položen pravosudni ispit i najmanje tri godine radnog iskustva na pravnim poslovima nakon položenog pravosudnog ispita.*

*Stručni savjetnik pomaže pravobraniocu, odnosno zamjeniku pravobranioca u proučavanju i pripremanju predmeta, proučavanju pravnih pitanja u vezi sa radom pravobranilaštva u pojedinim predmetima, te samostalno ili pod nadzorom i uputstvima pravobranioca odnosno zamjenika pravobranioca, obavlja druge stručne poslove predviđene zakonom.*

#### Član 30.

*Radi osposobljavanja za samostalan rad i stručnog obučavanja koje je uslov za polaganje pravosudnog ispita, u Pravobranilaštvo se mogu primati pravobranilački pripravnici pravne struke s ostvarenih 240 ECTS studijskih bodova Bolonjskog sistema studiranja.*

*Pripravnici se primaju u radni odnos na određeno vrijeme najduže do dvije godine. Stručno osposobljavanje pripravnika odvija se u skladu sa programom početne obuke utvrđene normativnim aktima Praobranilaštva, odnosno programom pravosudnog ispita propisanog posebnim propisima, s tim da se, tokom dijela pripravničkog staža, pripravnici upućuju na praktičan rad u općinske i kantonalne sudove .*

#### Član 31.

*Radi osposobljavanja za samostalan radi i stručnog obučavanja koje je uslov za polaganje pravosudnog ispita, u Pravobranilaštvo se mogu primati lica pravne struke s ostvarenih 240 ECTS studijskih bodova Bolonjskog sistema studiranja, bez zasnivanja radnog odnosa (volonterski rad).*

*Odredbe ove Odluke koje se odnose na pripravnike, shodno se primjenjuju i na lica koja se stručno usavršavaju bez zasnivanja radnog odnosa .*

#### Član 32.

Unutrašnju organizaciju u Pravobranilaštvu utvrđuje Pravobranilac, Pravilnikom o unutrašnjoj organizaciji po prethodno pribavljenoj saglasnosti Općinskog vijeća.

#### Član 33.

Pravobranilaštvo podnosi Općinskom vijeću i općinskom načelniku izvještaj o svom radu, kao i o uočenom pojavama i problemima u primjeni zakona i drugih propisa od značaja za ostvarivanje funkcije Pravobranilaštva.

### **III RADNO- PRAVNI STATUS PRAVOBRANIOCA I ZAMJENIKA PRAVOBRANIOCA**

#### Član 34.

*Plaće i naknade pravobranioaca i zamjenika pravobranioaca utvrđuju se u skladu sa odlukom kojom se regulišu plaće i naknade plaća u Općini Ilidža .*

#### Član 35.

*Na prava i obaveze pravobranioaca i zamjenika pravobranioaca koje se odnose na radno- pravni status, koja nisu uređena Zakonom o Pravobranilaštvu i ovom odlukom, primjenjuju se propisi kojima se uređuju prava i dužnosti državnih službenika u Kantonu Sarajevo i Federaciji Bosne i Hercegovine, kao i opći propisi o radu i kolektivni ugovori.*

#### **IV SREDSTVA ZA RAD PRAVOBRANILAŠTVA**

##### **Član 36.**

Sredstva za rad Pravobranilaštva obezbjeđuju se u budžetu Općine.

##### **Član 37.**

Finansijsko i materijalno poslovanje Pravobranilaštva obavlja se na na način kako je propisano za organe državne uprave.

##### **Član 38.**

Za radnje preduzete u zastupanju pred sudovima i drugim organima i tijelima u slučaju iz člana 9. ove Odluke, Pravobranilaštvo ima pravo na naknadu i nagradu troškova prema tarifi o nagradama i naknadi troškova za rad advokata.

Sredstva koja prilikom zastupanja ostvari Pravobranilaštvo prihod su Budžeta Općine.

#### **V PRELAZNE I ZAVRŠNE ODREDBE**

##### **Član 39.**

Pravobranilaštvo počinje sa radom danom imenovanja pravobranioca i zamjenika pravobranioca.

Danom početka rada Pravobranilaštvo će preuzeti sve predmete koji su u radu kod Pravobranilaštva Kantona Sarajevo.

##### **Član 40.**

Pravobranilac će u roku od 30 dana od početka rada Pravobranilaštva donijeti Pravilnik o unutrašnjoj organizaciji Pravobranilaštva.

##### **Član 41.**

Na rad Pravobranilaštva, ako ta pitanja nisu uređena ovom Odlukom, shodno će se primjenjivati Zakon o pravobranilaštvu i drugi propisi Kantona Sarajevo.

##### **Član 42.**

Do početka rada Pravobranilaštva, poslove Pravobranilaštva za područje Općine Ilidža obavljat će Pravobranilaštvo Kantona Sarajevo u skladu sa Odlukom o povjeravanju poslova Pravobranilaštva za područje Općine Ilidža Pravobranilaštvu Kantona Sarajevo („Službene novine Kantona Sarajevo“, broj: 15/97)

Član 43.

Prečišćeni tekst Odluke o Pravobranilaštvu Općine Ilidža sadrži:

- Odluku o pravobranilaštvu Općine Ilidža – Prečišćeni tekst („Službene novine Kantona Sarajevo, broj: 18/10),
- Odluku o izmjenama i i dopunama Odluke o pravobranilaštvu Općine Ilidža („Službene novine Kantona Sarajevo“, broj: 44/17),
- Odluku o izmjenama Odluke o pravobranilaštvu Općine Ilidža „Službene novine Kantona Sarajevo“, broj: 25/19),

Član 44.

Prečišćeni tekst odluke o Pravobranilaštvu Općine Ilidža objavit će se u „Službenim novinama Kantona Sarajevo“.

**PREDSJEDNIK KOMISIJE**

*Mirza Alijagić*

## **O b r a z l o ž e n j e**

Općinsko vijeće Ilidža je na 27.redovnoj sjednici održanoj dana 30.05.2019.godine donijelo Odluku o izmjenama odluke o pravobranilaštvu Općine Ilidža, objavljena u „Službenim novinama Kantona Sarajevo“ broj 25/2019 .

Članom 3.Odluke ovlaštena je Komisija za statut i propise da najkasnije u roku od trideset (30) dana od dana stupanja na snagu iste, utvrdi Drugi prečišćeni tekst Odluke o Pravobranilaštvu Općine Ilidže .

Obzirom da je osnovni tekst Odluke o pravobranilaštvu Općine Ilidža - Prečišćeni tekst - („Službene novine Kantona Sarajevo“ broj:18/10) mijenjan i dopunjavan u dva navrata, te da se izmjene i dopune odnose na više od 40% osnovnog teksta, to je bilo neophodno utvrditi prečišćeni tekst Odluke, a sve u cilju lakšeg praćenja sadržaja iste, kao i radi veće preglednosti teksta .

S tim u vezi izrađen je prijedlog prečišćenog teksta Odluke o pravobranilaštvu Općine Ilidže u kojem su sadržane odredbe :

- Odluke o pravobranilaštvu Općine Ilidža – Prečišćeni tekst („Službene novine Kantona Sarajevo, broj: 18/10),
- Odluke o izmjenama i dopunama Odluke o pravobranilaštvu Općine Ilidža („Službene novine Kantona Sarajevo“, broj: 44/17),
- Odluke o izmjenama Odluke o pravobranilaštvu Općine Ilidža („Službene novine Kantona Sarajevo“, broj: 25/19)

Uvažavajući naprijed navedene razloge, predlažemo da Komisija za statut i propise Općinskog vijeća Ilidža utvrdi Prečišćeni tekst Odluke o Pravobranilaštvu Općine Ilidža, u na način kako je predloženo .

**ZAMJENIK PRAVOBRANIIOCA  
OPĆINE ILIDŽA**

Emina Musić